

# ՀԱՄԱԶԳԱՅԻՆ ՅՕԲԵԼԵԱՆ

## ՀԱՄԱԶԳԱՅԻՆ ՅՕԲԵԼԵԱՆԸ

Չորեքշաբթի, սեպտ. 25-ին, երեկոյանն ժամը 7-ին կայացաւ Թիֆլիսի վաճառականների ընդհանուր ժողովը Բօրսայի դահլիճում:

Վաճառականների աւագ Արշակ Միլեան, որի հրաւրով կայացել էր ժողովը, բանալով նիստը, հետեւեալ ատենաբանութիւնը արեց.

«Պարոնայք. ես թոյլ տուի ինձ անհանգստացնել ձեզ, հրաւիրելով, որպէսզի միասին քննենք մի շատ կարեւոր հարց: Խընդիրն այն է, որ այս հոկտեմբերի 12-ին լրանում է հայկական այբուբենի գիւտի 1500-ամեակի և հայկական տղազրուիւթեան 400-ամեակի յօրելանալը Այդ առիթով մեր հայոց բարձր հոգեւոր իշխանութիւնը որոնել է տօնի այդ ղէպքը արժանաւոր կերպով և հրաւիրել է մեզ եւ մասնակցելու Պարոնայք, այդ յօրելանալը մի հայկական ազգային կուլտուրական այնպիսի տօն է, որին կարող են նախանձել շատ ուրիշ ազգեր. մենք բոլոր հայերս, իրրև մի մարդ, առանց համոզմունքների և հայեացքների խտրութեան, պարտաւոր ենք լայն մասնակցութիւն ունենալ այդ տօնախմբութեան մէջ և, որ զլիսաւորն է, յաւեթացել նրան մի էական գործով յօգուտ զըզւորացական ֆօնդի:

«Ե նկատի ունենալով, որ այստեղ ներկայ եղողներից շատերը, իմ կարծիքով, ծանօթ չեն հայկական այբուբենի գիւտի և տպագրութեան պատմութեան հետ, ես ինձ թոյլ տուի հրաւիրել բարձրագատիւ Բենիկ վարդապետին, որ նա ծանօթացէ մեզ այդ պատմութեան հետ և ապա առաջարկել ձեզ որոշել չվաճառականների մասնակցութեան ձևը:»

Եստքը տրվում է Բենիկ վարդապետին, որ մի ղեղեցիկ ատենաբանութեամբ նկարագրում է ս. Սահակի և ս. Մեսրոպի գործունէութիւնը և նշանաւոր երկու ղէպքերի պատմութիւնը:

Վաճառականութեան ներկայացուցիչները պարտաւորութիւն յայտնեցին նուիրել նաև իրանց անձնական միջոցներից մի քանի հազար բուրբ յօգուտ զըզուրացական ֆօնդի:

Աւագ Ա. Միլեան առաջարկեց հետեւալ ծրագիրը, որ և ընդունվեց միաձայն.

### Ծրագիր

Մասնակցութիւն Թիֆլիսի վաճառականութեան առաջիկայ տօնախմբութիւններին հայկական այբուբենի գիւտի 1500-ամեակի և հայկական տպագրութեան 400-ամեակի առիթով, մշակված Թիֆլիսի վաճառականների աւագ Ա. Միլեանի առաջարկութեամբ, վաճառականութեան ներկայացուցիչներին

ձեռքով, 1913 թ. սեպտեմբերի 25-ի խորհրդակցութեան մէջ:

1) Ի յիշատակ ս. Սահակի և ս. Մեսրոպի հանդիսաւոր հոգեհանգիստ կատարելու օրը փակել մագաղանները ամբողջ օր և ներկայ լինել հոգեհանգստին ամբողջ վաճառականութեամբ:

2) Ընտրել Թիֆլիսի վաճառականութեան կողմից երկու պատգամաւորութիւն՝ ներկայ լինելու հանդէսներին այստեղ՝ Թիֆլիսում և էլմիթածնում: Առաջին պատգամաւորութիւնը բաղկացած կը լինի 6, իսկ երկրորդը՝ 10 հոգուց:

3) Պաշտօն յանձնել պատգամաւորութեան ներկայացնել շնորհաւորութիւն Թիֆլիսի վաճառականութեան անունից հայոց եկեղեցու պետ՝ Նորին Օրբուի Ս. Ամենայն Հայոց Կաթողիկոս Գէորգ Վ-ին էլմիթածնում և էլմիթածնի տեղական առաջնորդին, այդ ղէպքի առիթով:

4) Խնդրել Թիֆլիսի վաճառականութեան հիմնած Թիֆլիսի առևտրական զպրօցի պլեբրատեսչին, հանդէսների օրը արձակել հայ աշակերտներին զբաղմունքից զըզուրցում:

5) Խնդրել միևնոյնը վաճառականութեան հիմնած Մանթաշեան առևտրական զպրօցի տեսչին:

6) Ի յիշատակ առաջիկայ յօրելանական տօնախմբութիւններին ձեռք բերել առևտրական վերոյիշեալ երկու զպրօցիների աշակերտներին, ինչպէս և էլմիթածնի Գէորգեան հոգևոր ձեմարանի ուսանողներին բաժանելու համար ս. Սահակի և ս. Մեսրոպի պատկերները 500-ական հատ:

7) Հանգանակել վաճառականների մէջ դուժար զըզուրցական ֆօնդի կազմութեան համար:

8) Ընտրել Թիֆլիսի վաճառականների կողմից 5 հոգի թիմական առաջնորդի կողմից կազմելի մասնաժողովի համար՝ առաջիկայ յօրելանական հանդէսների կազման համար:

Ինչպէս մեզ տեղեկացնում են, հանգանակութիւնը վաճառականների մէջ բացվել է արդէս և բաւական աջող առաջ է դնում: Պատգամաւորութեան անդամների անունները կը հաղորդենք իր ժամանակին:

Յոյս ունենք, որ վաճառականութեան օրինակին կը հետեն նաև մէջլանները, արհեստաւորներ և բանօրները, ի նկատ ունենալով, որ էլմիթածնում կատարվելի տօնախմբութիւնը ոչ միայն եկեղեցականազգային, այլ և կուլտուրական, քաղաքակրթական մեծ տօն է: